

# Cov Tshuaj Txhaj Tiv Thaiv Kab Mob COVID-19 rau Cov Hluas

Kev Nkag Siab Txog Kev Pom Zoo Tso Cai rau Cov Koom Haum Hauv Zej Zog Uas Muab Kev Pab Cov Hluas

Cov tshuaj txhaj tiv thaiv kab mob COVID-19 uas muaj tam sim no rau cov hluas muaj hnub hnoog 5 xyoo txog 17 xyoo. Thaum uas muaj ntau hom kev pom zoo tso cai raug cai raws li tsab cai lij choj ntawm xeev Washington, cov kws muab kev pab txhaj tshuaj tiv thaiv kab mob ccob leej yuav kom tau kev tso cai ntawm niam txiv/tus neeg saib xyuas txhawm rau muab cov tshuaj txhaj tiv thaiv kab mob rau cov hluas. Cov ntaub ntawv no yog hais txog hom kev pom zoo tso cai uas tso cai raws li txoj cai lij choj ntawm lub xeev, thiab seb koj lub koom haum yuav tuaj yeem pab cov hluas (tshwj xeeb yog cov hluas tsis muaj tsev nyob) kom tau txhaj tshuaj tiv thaiv kab mob COVID-19.

## Cov laus uas tuaj yeem pom zoo tso cai rau cov hluas tau:



- Niam txiv
- Tus neeg saib xyuas los yog tus neeg saib xyuas raug kev cai
- Ib tus niam thiab txiv qhuav los sis lwm lwm tus neeg tau txais kev tso cai los ntawm tsev hais plaub kom los muab kev pom zoo cia kho mob rau ib tug me nyuam yaus rau ntawm ib lub chaw uas tsis yog nyob hauv tsev (Ntu 13.32A los sis 13.34 Revised Code of Washington (RCW, Kho Tus Qhauj ntawm Washington))
- Ib tug neeg uas muaj ntaub ntawv kos npe tso cai los muab kev txiav txim siab saib xyuas kev noj qab haus huv rau lawv.
- Ib tug kwv tij uas lav saib xyuas lawv li kev noj qab haus huv
- Ib tug kws tu neeg mob tim tsev kawm ntawv, kws pab tswv yim, los sis kws pab rau cov tsis muaj vaj tse nyob, (rau ib tug hluas uas tsis muaj vaj tse nyob raws li tsoom fww McKinney-Vento Homeless Education Act \*

## Cov hluas tuaj yeem pom zoo tso cai rau lawv tus kheej tau yog hais tias:



- **Lawv nyob ywj pheej raug raws li kev cai lij choj.** Lawv muaj hnub nyoog 16 xyoo rov saud thiab lawv tau ua ntawv thov thiab raug tso tawm ntawm lawv niam thiab txiv lawm.
- **Lawv tau sib yuav nrog ib tug me nyuam yaus los sis ib tus neeg loj uas raug tso nyob ywj pheej lawm.**
- **Tus kws pab kho mob txiav txim siab tias lawv yog ib tug me nyuam yaus paub tab lawm** raws li Mature Minor Doctrine (Lus Qhia Hais Txog Cov Me Nyuam Yaus Paub Tab).\*\*

### \*Kev paub ntxiv hais txog kev pom zoo tso cai rau kev siv McKinney-Vento:

Raws li txoj cai lij choj ntawm xeev, cov kws tu neeg mob hauv tsev kawm ntawv, cov kws pab tswv yim hauv tsev kawm ntawv, thiab cov kws tiv tauj nrhiav cov tub ntxhais kawm uas tsis muaj tsev nyob tau txais kev tso cai kom muab kev pom zoo tso cai txhaj tshuaj tiv thaiv kab mob rau ib tug hluas los yog tus neeg laus tseem hluas uas tsis muaj tsev nyob (raws li tau teev tseg hauv [tsoom fww McKinney-Vento homeless education act](https://nche.ed.gov/wp-content/uploads/2018/10/youth.pdf) – Lus Askiv nkaus xwb) tus uas tsis nyob qab kev saib xyuas tswj hwm ntawm ib tug niam txiv los yog tus neeg saib xyuas.

**Kab ntawv txuas mus rau cov ntaub ntawv qhia:** Lub National Center for Homeless Education, *Kev Txhawb Nqa Kev Kawm ntawm Cov Tub Ntxhais Kawm Tsis Muaj Neeg Saib Xyuas Uas Tab Tom Ntsib Teeb Meem Tsis Muaj Tsev Nyob*, <https://nche.ed.gov/wp-content/uploads/2018/10/youth.pdf> - muaj ua lus Askiv nkaus xwb

### \*\*Cov lus qhia paub ntxiv txog qhov Mature Minor Doctrine:

Ib txhia kws muab kev pab kho mob tso cai rau cov hluas muab kev pom zoo tso cai raug raws li “Mature Minor Doctrine” yog hais tias lawv muaj peev xwm nkag siab los sis txaus siab rau qhov tshwm sim ntawm qhov txheej txheem kev kho mob.

Hauv kev txiav txim siab saib seb tus neeg mob puas yog me nyuam yaus uas paub tab, cov kws pab kho mob yuav ntsuam xyuas tus me nyuam yaus lub hnub nyoog, kev txawj ntse, kev loj hlob, kev cob qhia, kev paub, kev ywj pheej los yog tsis muaj, kev coj ua raws li ib tus neeg laus thiab kev ywj pheej los ntawm kev tswj hwm ntawm niam txiv.

## Cov kws pab kho mob lees txais kev pom zoo tso cai hauv ob peb txoj hauv kev sib txawv.

- Kev pom zoo tso cai los ntawm lo lus hais (raws hauv xov tooj los yog tim ntsej tim muag)
- Kev pom zoo tso cai uas sau ua ntawv (ib daim ntawv)
- Ib txhia xav kom tau kev pom zoo tso cai sau ua ntawv thiab lo lus hais.
- Kev pom zoo tso cai tim ntsej tim muag los ntawm tus neeg laus muab kev pom zoo tso cai rau lawv.

## Yuav ua li cas los pab kom cov hluas tau txais lawv koob tshuaj txhaj tiv thaiv kab mob

- **Siv cov kev xaiv kev lim hauv Vaccine Locator (Qhov Nrhiav Tshuaj Tiv Thaiv Kab Mob)** (<https://vaccinelocator.doh.wa.gov/?language=hmn>) los yog hu rau tus kws pab kho mob txhawm rau saib seb hom kev pom zoo tso cai twg uas tus kws pab kho mob lees txais tau. Cov kev xaiv kev lim uas Haum Zoo Rau Cov Hluas hauv Vaccine Locator yuav pab koj thiab cov hluas nrhiav ib qhov chaw uas yuav siv hom kev pom zoo tso cai uas cov hluas muaj peev xwm muab tau. Saib qhov "Pab cov hluas npaj kom txhij rau hom kev pom zoo tso cai uas lawv xav tau" hauv qab no rau cov lus qhia txog kev npaj rau kev teem caij mus txhaj tshuaj.
- **Nrhiav cov chaw txhaj tshuaj tiv thaiv kab mob uas lees txais tau kev nkag mus los yog hu rau txhawm rau teem caij mus txhaj tshuaj.** Cov kws pab kho mob coob leej thov kom niam txiv los sis tus saib xyuas pom zoo tso cai ua kev teem caij hauv online.
- **muab kev thauj mus thiab los ntawm cov kev teem caij mus txhaj tshuaj tiv thaiv kab mob.** Yog hais tias koj tsis tuaj yeem muab kev thauj mus los tau, tshuaj xyuas nrog lub chaw saib xyuas kev noj qab haus huv hauv koj cheeb tsam los yog Department of Health (DOH, Tuav Tsev Saib Xyuas Kev Noj Qab Haus Huv) qhov chaw [txhaj tshuaj tiv thaiv kab mob COVID-19: Cov Ntaub Ntawv Qhia Txog Kev Thauj Mus Los](#) – Lus Askiv nkaus xwb. (Kab ntawv txuas: <https://www.doh.wa.gov/Portals/1/Documents/1600/coronavirus/820-151-COVID19VaccineTransportationResources.pdf>)
- **Tiv tauj mus rau cov tsev kawm ntawv ib puang ncig uas pom zoo tso cai.** Yog hais tias cov hluas uas koj ua hauj lwm nrog haum rau cov qauv ntawm McKinney-Vento (saib rau kev paub ntxiv nyob rau sab pem hauv ntej), koj tuaj yeem ua hauj lwm nrog tus kws tu neeg mob hauv tsev kawm ntawv, tus kws pab tswv yim hauv tsev kawm, los sis tus neeg saib xyuas tub ntxhais kawm uas tsis muaj tsev nyob txhawm rau kom muab kev pom zoo tso cai. Cov kws pab kho mob ib txhia xav kom tus neeg laus ntawd tuaj txhaj tshuaj tiv thaiv kab mob. Pom zoo los yog koom tes nrog cov neeg ua hauj lwm hauv tsev kawm ntawv ua ntej txiav txim siab tias leej twg yuav tuaj yeem nrog tus tub ntxhais kawm mus rau lawv lub sij hawm teem tseg tau.
- **Ua tswv hlo koj cov tshuaj tiv thaiv kab mob mus ncig txhaj los yog koj cov hluas mus txhaj tom lub chaw kuaj mob uas muaj tshuaj.**
  - Rau kev paub ntxiv txog qhov xwm txheej kev ua tswv hlo ntawm koj tus kheej, mus saib [COVID-19 Vaccine Resource Guide \(Cov Lus Qhia Txog Lub Chaw Txhaj Tshuaj Tiv Thaiv Kab Mob COVID-19\) txhawm rau Txhawb Nqa Kev Xav Kom Tau Txhaj Tshuaj Tiv Thaiv Kab Mob uas Lub Zej Zog-ua tus koj Lus Spanish \(PDF\)](#) (Lus Askiv muaj nyob hauv kab ntawv txuas: <https://www.doh.wa.gov/Portals/1/Documents/1600/coronavirus/VACCSSupportCommunity-ledVaccinationEfforts.pdf>) (Lus Spanish muaj nyob hauv kab ntawv txuas: <https://VACCSSupportCommunity-ledVaccinationEfforts-Spanish.pdfwww.doh.wa.gov/Portals/1/Documents/1600/coronavirus/>)
  - [Thov ib qhov xwm txheej Care-A-Van](#) – Lus Askiv nkaus xwb. Lub WA State Department of Health Care-A-Van ([doh.wa.gov/CareAVan](https://doh.wa.gov/CareAVan)) tuaj yeem koj cov tshuaj txhaj tiv thaiv kab mob tuaj rau koj. Peev nyiaj pab yog muaj rau cov koom haum hauv zej zog uas muaj cai tsim nyog ua tswv cuab. Lub Care-A-Van lees txais tau tag nrho cov hom kev pom zoo tso cai uas tau teev tseg rau pem hauv ntej ntawm daim ntawv no, suav nrog kev pom zoo tso cai los ntawm cov me nyuam yaus uas paub tab.
- **Pab cov hluas npaj kom txhij rau hom kev pom zoo tso cai uas lawv xav tau txhawm rau npaj:**
  - Yog hais tias yuav tsum muaj ib tug neeg laus tuaj koom nrog cov hluas qhov kev teem caij, kom koom tes nrog lawv.
  - Yog hais tias tus kws pab kho mob lees txais qhov kev pom zoo tso cai sau ua ntawv, kom pab cov hluas sau daim ntawv thiab kos npe rau.
  - Yog hais tias lawv yog ib tus me nyuam yaus uas raug tso nyob ywj pheej los yog tus me nyuam yaus uas tau sib yuav nrog tus me nyuam yaus uas raug tso nyob ywj pheej los yog tus neeg laus, ces pab lawv suav sau cov ntaub ntawv uas tsim nyog.
  - Yog hais tias lawv tab tom tau txais kev pom zoo tso cai los ntawm kev siv McKinney-Vento, kom nqa daim ntawv theej ntawm Tsab cai lij choj hais txog Kev Pom Zoo Tso Cai Uas Tau Qhia: [RCW 7.70.065 - Lus Askiv nkaus xwb](#) thiab qhia tsi ntsees feem tshwj xeeb rau cov tsev kawm ntawv. (Kab ntawv txuas mus rau tsab cai lij choj: <https://app.leg.wa.gov/RCW/default.aspx?cite=7.70.065>)
  - Yog hais tias lawv tab tom nrhiav kev pom zoo tso cai los ntawm cov Mature Minor Doctrine, ces pab lawv npaj cov ntawv thiab cov ntaub ntawv qhia tias lawv muaj kev ywj pheej los ntawm lawv niam lawv txiv lawm. Qhov no tsis tas yuav tsum muaj rau txhua tus kws pab kho mob tiam sis tej zaum yuav pab tau. Cov kws pab kho mob ib txhia tsis tau ua qhov kev txiav txim cov me nyuam yaus paub tab ntawm qhov chaw tab sis lees txais kev txiav txim cov me nyuam yaus paub tab los ntawm cov kws pab kho mob yav dhau los.